

docst
入駐商家
在文川網搜到古籍書城 發現更多電子書

中國方志叢書·華中地方·第八八號

據 余誼密等修·鮑實等纂
民國八年石印本 影印

安徽省

蕪湖縣志

(一)

成文出版社有限公司印行



重修蕪湖縣志序

己未之春余自參議院奉 令長皖至之日鄉之父老賢達僉以重修省志為請既取決議會入告中央徵歛列之預算從事有日矣溯民國省制廢除府州概以五等第其大小繁簡悉屬之縣全皖得縣都六十省志之從事將按六十分治之區遠搜而近討以期會其成熟如縣各有書然後省志括其大備事輕易舉且於勢甚順以是嚮之斷斷省志者類多返而為縣志是問焉當此之時縣志已成者厥惟懷甯一邑其他或待修而未經集議或議決而未經染翰削簡羣相敦督半載以來各屬官紳呈狀修志者乃至二十餘縣之多繼起踵武不絕我皖之從事志書可謂專且勤矣然則省志之易舉不已有券可操哉秋冬之際余辟鮑君筱齋來襄教育行政至則復挾其所修蕪湖縣志與俱進而以質於余余以為志也者不變以志其地變以志其事與時省與縣異廣狹不異體例也國體鼎革

舊志之所欽崇今或視為抵觸舊志之所忌諱今或取於昌明且科學精進日星河嶽探微索隱頓軼乎前賢矧蕪湖通商要區大瀛重譯梯航輻輳長江巨埠皖之中堅其地視他縣為重其志較他縣為難鮑君積四五寒暑之力及鄉里諸賢之贊助復稟受庭訓以為師承詳舊志之畧正舊志之謬芟舊志之蕪補舊志之闕極地與時事之斟酌成茲善本志凡六十卷分類十有六列目八十有九州萃部居弗遺弗冗他日省志之修即此其權輿矣鮑君蕪湖望族世有文章昔太史公成史記談遷濟美今鮑君喬梓實成茲志蓋亦文苑之一佳譽云民國八年十二月安徽省長太湖呂調元序

docsriver 文川网
入驻商家 古籍书城

在文川网搜索古籍书城 获取更多电子书

蕪湖縣志序

縣各有志自明代始著令典有清因之紀述山川政事士女風俗統以府省上於戶部每數十年一舉詔直省院司檄行州縣吏延士紳纂輯僻左之區或患才難有借諸異地者或患支給難有取諸悉索者若夫通都大邑人文蔚萃率知網羅舊聞無俟政令取進止而人自為紀家自為編會勒成書更不煩費而事已集矣民國肇造夷府為縣監於明清成憲五年冬內務部令直省續修縣志六年申前令敦率之其時蕪湖人士已於四年春定議續修徵求故事具有厓略誼密以四年冬蒞任發覽檔籍知為彭蒼庵濮秋澄諸君子所主議而鮑君筱齋任纂輯之勞也閱四載始脫稿彭濮二君與筱齋持至公廨屬誼密校理序言其端誼密學殖荒落未克多有所訂正竊念古者一書不兩序自史漢訖杜典馬考皆止於自序著其義例今之縣志筱齋所為序例已為賅當且其心足以入理力足以

赴事蓋已憂憂其難矣顧令誼密附疣志首詎不遺通人之誦乎筱齋謂縣志所載不外生民之至計地方之風教而已守土者既躬有其責則例得有言誼密乃不得不略述其端委也昔遷史變春秋傳之例班氏以下互有損益不苟同也一邑之志特就事之所有時之遞變者而書之記曰入境問禁入國問俗能不待問而知其禁俗者惟志為實錄耳嘗見近代名志如洪北江涇縣志詳於文學李申耆鳳台縣志精於水利義各有當亦不苟同也蕪湖自光緒初元立約通商華洋糅雜趨利者不惜掃廬舍剝邱壘以填外人之壑荒江斷岸森列樓臺於是士女習驕奢忘禮誼風俗遷流靡知所屆政事窳敗為厲之階易曰窮則變變則通通則久君子居心處慮在一國則使其國之心風俗而引之可久之道焉在一鄉一邑則使其鄉與邑之心風俗而引之可久之道焉古何以厚今何以薄存茲文獻鑑古察今容有反本之望縱使從流忘反而古先之碩德懿行

有所稱述猶未至於失墜若專求諸文字間抑未也筱齋既堅意纂輯於商埠租界關權尤詳於水利特慎其他學校實業諸端莫不兢兢三致意焉中間訂正之處以濮君為精審彭君雖遠適而貽書商權之事亦夥今春方謀刊印誼密復修函徧徵閭邑人士來局參校始觀厥成是役也先後垂四五年彭濮兩君與筱齋皆引為己事為書若干卷所費公款才四千金可謂節矣吾觀曾文正序李次青先正事略謂其有決定不移之志勇猛精進之心蓋撰述之難如此諸君子之成茲志也其心志之決定勇猛不益可見乎獨誼密尸職數載掛名簡端徒增內疚因書以誌愧亦使此邦來哲有所考焉中華民國八年歲在己未孟冬月蕪湖縣知事潘山余誼密序

蕪湖新修縣志序

蕪湖扼中江之衝商通宣歙北達安廬估客往來帆檣櫓比皖江巨鎮莫大乎此光緒初初建新關外商紛至輪舶雲集內外轉輸滬漢之間此為巨擘新機日開文化遂興郁郁彬彬人才蔚起吾家世涇川距此纔二百里鄉人懋遷斯土視等粉榆士夫往還幾忘吟域甲寅春來權茲邑下車訪舊友朋如昨公暇稽詢往事略而不詳蓋舊志距今已及百年兵燹既更典章失墜無徵之歎君子盡焉今國體變更乘除代禮擬舊聞羅散佚追往蹟而詔來茲固有司之責也迺與彭君蒼庵濮君秋登亟籌新志驟公歎以謀經始規畫粗定瓜代聯經今來都下獲晤彭君為言新志已成屬誌緣起余甚樂之竊自思念前代服官例避本省山川迢阻啁嘶罕通今地近桑梓擊柝相聞從政斯邦得親舊雨新志之作輒復經始其間此其為幸為何如哉且夫志者所以紀實也所紀之事必關係地方因茲使

後人知其利害識所從違而後其書為有用固非馳騁文藝藻繪山川已也蕪邑古稱澤國南接南繁水利械爭寢成大獄彭君言新志紀載水利特詳弭釁親鄰莫急於是嗚乎可謂知所本矣故樂序簡端以告來者書凡六十卷鮑君筱齋實肩厥成云民國八年歲次己未仲冬月前署蕪湖縣知事涇縣查鍾泰謹序

重修蕪湖縣志序

郡邑地志六十年例必一修過此以往則時勢變遷老成凋謝繼纂遂難我邑自嘉慶以後垂百餘年中復更歷燹劫文物蕩然於斯而網羅散佚不其尤難者乎同治間大府檄徵通志事蹟時諸耆宿於嘉道間事猶能及身親見不難臚舉以陳惜省志選材較畧其稿冊復不克留遺數十年來世變滋甚典冊無徵迨民國癸丑有翻印之役俾舊籍得廣傳流亦以冀邦人士咸有述也寔不自揣竊嘉擴據遺聞積之笥篋復將舊本重加考訂庸庸然為之不已而不自知其僭焉適甲寅冬月文廟修葺事竣彭蒼庵濮秋澄兩世長力予提倡邀集發起諸公呈准 查敬吾縣長其城鄉各紳亦均分任義務廣為搜羅寔因得從事其間舉凡起例發凡選言立義一任率爾操觚惟紛於校務未克專供厥役自殺青以至脫稿歷時四載始獲完全成帙都共為卷六十為類十六為目八十有九原擬留待

王纂聊資嚆矢之助乃彭濮兩公慮其曠日持久而經費之難繼也即議以此付梓仍命寔董其役並分延城鄉諸君以勸理之於是設局籌捐開工刊印經始於春季告藏於孟冬成書得三千部計費總逾萬金取之公帑者約十之四餘皆出諸捐助我邑紳商遇有要公輒捐輸恐後固有非偏僻之區所可及者雖然以寔之後生末學又際此最難之會其中罣漏舛誤當所不免何足以昭示來茲蓋幸得 瀟山余公博洽精審政餘之暇詳加披覽多所糾繩尤幸彭公會庵得以遇事秉承濮公秋澄為之逐類審定此外如經偉臣李莘原鮑小琴吳松亭江荔裳胡雨亭周佐臣陶篤卿奚振聲胡小堂李子壽黃鳳笙諸先生或隨時匡謬或分類參稽而侍從 家君杖履昕夕敏問指示為多至友人關懷文獻時荷郵書賜教獲益尤非淺鮮顧亦有陳義過高揆諸事實未易遵循者竊願有以商榷焉夫方志之與國史體制自殊若斷斷焉惟國史之軌轍是趨則必可載

之事實少而可刪之類目多關中二志是也世以對山似乎長五泉似孟
堅允矣然武功書僅七篇朝邑則更減為廿餘頁凡其屏棄何在非往事
之堪傳豈若尋常志乘之多所留遺哉要之志者記也所以記其事也寔
不敏未敢高自撫擬是以區別性質不憚多分門類詳列故實甯任貽誚
淺庸務使居是邦者莫不開卷瞭然而得所參考所謂為之者勞觀之者
逸庶幾區區微志焉至若以躋於古作者之林則竢諸鴻博君子弼中彪
外潤色而鎔裁之非寔之譎陋所克勝任者也中華民國歲次己未孟冬
邑人鮑寔謹識

--	--	--	--	--	--	--	--	--	--	--	--

21 21 21 21 21 21 21 21 21 21 21 21

1

重修蕪湖縣志職員錄

總裁

余誼密 詠南 彭萃文 蒼菴 濮文波 秋丞

監修

鮑世期 許齋 經康杰 偉臣 鮑文鑣 筱琴 齊 澧 月波 胡作霖 雨亭

湯鈺泉 善福 周弼忠 佐臣 胡宗範 疇生 胡金門 詔卿 洪克柔 理和

陶冠禹 篤卿 李耀榮 懷之 汪體煌 文輝 陶寶書 玉堂 胡國恩 小堂

鑒訂

吳 雲 松亭 洪 鎔 鑄生 李 碩 草原 江紹明 荔裳 李耀祺 子壽

謝承源 晴江 甘 澤 小秋 謝學霖 澤同 戚章斌 子憲 奚 鏞 鶴琴

汪洪襄 楚帆 方昭軫 止逸 謝師衡 景平 胡宗璆 少珍 褚華欽 典默

黃鳳生 兆岐

發起

汪 鑫 厚卿 王成功 靜山 程昭融 會卿 王燮商 杖左 程良楮 子箴

鮑文鐸 子漸 何樹德 務滿 汪宏椿 孟綬 齊宗濂 月溪 蘇恩溥 雨田

周銘忠 鉞丞 崔 澧 星門 王桂馨 一山 顧氏德 厚甫 朱 銓 青士

張紹元 善初 譚秉鑑 明卿 張有信 石菴 黃 藻 慎聞 崔永禾 敦成

王宗祐 篤庵 潘立功 幹臣 陳輔廷 竹軒 周志勳 繼之 舒士淦 麗生

經洪培 植之 張汝川 廷華 趙思源 醴泉 奚 鈴 振聲 張翼舉 飛白

趙億乾 小齋 何國幹 吉園

纂修

鮑 寔 筱齋

審查

黃 湘 沅浦 陶 豫 光豐 郭天民 葵卿 談佐廷 弼臣 陳克懋 慕南

陶源潤錫田 周慶餘九成 陶菊英士林 姚定文翰林 胡繼璜涇澄

程鴻誥孟康 謝慎修永思 鮑光宇子門 許麟發聖初 徐廣成器九

周成章端甫 經家樾蔭棠 趙應和仲平 程其瑞輯五 朱鼎竹岑

何宣猷紹謀 夏際寬竹軒 沈潛海秋 王有愛曉霞

籌捐

經康鼎小侯 姜志彬少廷 陸慶祥丙章 朱從政畫臣 張鴻濤海澄

翟楷厚彬 張佩宗五珊 張捷三仲圻

採訪

甘立成台棠 李虹曠 袁記塵 周鳳書 黃宇澄曉潭

邢銓銳夫 查冠英為周 葛繩祖少卿 費孔嘉步階 周道統繼承

張可鐘馨甫 王霖沛生 吳耀先 吳國斌聖臣 程滋林竹溪

沈波濤秋澄 婁相楚坤 黃大奎 胡培芳小香 沈世柏幹廷

二月月

職員錄

docsriver 文川网
入驻商家 古籍书城

在文川网搜索古籍书城 获取更多电子书

王青雲繼元 王子修 曹學謙益之 曹學祥吉齋 張維藩小村

陶履祥和齋 呂瑞英錦文 陶延懋 侯文彬玉成 周汝南

陶一清啟興 陶 鈞雲卿 王金堂益田 陶法澄清之 江 璫譜笙

胡邦錦 崔傳珩楚卿 王祥珠蘭亭 楊 魁秉之 羅煥廷蔚文

王士中道遠 許慶章仲甫 陶光璜 芮良銀竟成 陳炳章蔚文

談佐輔小康 胡朝熙殿明 吳 錕子盛 黃大炘 葉永勤石癖

洪子義儀子 陶耀祥光雲 吳應齡曜軒 劉振聲金麟 承 樑栢如

周繼恕 李 漪竹溪 俞美士 黃九餘耕三 袁輔臣秉忠

楊有植華菁 蔣榮光瑞卿 汪定安小緩 陶幹廷仲卿 楊世璋聘御

李運聲 憚天植杖卿 胡鎮邦 李耀先少潭 胡 芬穰生

李宗桂華馨 黃壽壬鑄濤 俞之福 徐恒貞抱叔 陶恕人

王聘琅寶卿 許世祿在中 朱與齡鶴亭 後克昌慎修 陶裔香馥卿

汪之鈞伯衡 王麟再潛 許鴻翔應時 陶叔章 尚光鑣聯卿

唐棟伯華 邢正海文治 甘本智鏡予 經家樞子密 鄭希聖

楊文萃小軒 茆孔昭德音 王緒滿玉堂 張澤洪伯濤 駱品三玉堂

陳宗銀華軒 董仲源鑑川 胡家模子範 王今槐漢卿 湯子孟崇

晉一香 王匡合子仁 王翰香墨西 胡家榮煥章 周文瀾

陳善政惠氏 朱元愷虞卿 施昌科甲宸 吳克明峻德 胡宗堯景唐

繆釗調笙 熊瑞廷 張澤臨淵如 陶鏡敬之 程灃敬興

校繕

陳金鉀少卿 胡寶森松岩 袁學淵溥泉 朱稿紹先 朱延年壽芝

余植松哲夫 吳正沅庚白 朱壽鄉小竹 陶運鉅榮齋 張國鑑寶衡

胡勉勛吾 江長春子揚 謝大潛孟昭 陳國淦 王繼槐科三

--	--	--	--	--	--	--	--	--	--	--	--

凡例

一舊志輿圖未能確當此次縣境總分各圖悉為更製以裨實用

一昔人已謂州縣不當濫載星野舊志所列星宿躔度無非泛引吳越揚州丹陽諸境於蕪無當也近世測算日精星學日益發明分野之說早成筌號然為考據詞章家所不廢因節存之附於位置之末

一地學家言巖石有木成火成之分其起伏大小遠近斷續又各有成巖之原理是形家發脈之說已不足憑鄙意即以發脈論河北諸山當係

當塗諸山之支委河南諸山當係繁昌諸山所蔓衍

皖志便覽云當塗山脈自南陵繁昌

來

舊志強為聯貫至以破山之脈起為赭山尤欠理解然縣境諸山實

屬奇零散漫究無法可以繫其綱領亦祇得仍依舊貫惟舊志既序其層次又復前後倒錯不依次編列於水道亦然究嫌紊亂茲為畧如移順增補以便觀覽

一舊志創立方言一門將鄉人一切俗語引經據典考證本原先輩苦心孤詣之處正不可及惟其間有系普通稱謂不專屬於蕪湖者不得不量為刪雜亦有流傳日久今已變易者並畧加補註不更原文以存其舊

一凡一方風土習尚之相沿不必有條文之制定而為法律所承認者謂之習慣法茲就安徽高等審判廳民商事習慣調查會報告頗其屬於蕪湖者附載風俗之末其有義例可通者并畧為援引解釋以備參考

一武功志將學校列入建置殊為輕本重末廬州府志已嘗識之我邑舊志亦沿此例茲倣文獻通考作學校志惟古者廟即是學今之學堂皆名學校而又不屬於文廟即制科與學堂雖均為造士性質亦復不同因特分為上中下三卷凡文廟興廢事項列入上卷凡考試課士事項列入中卷今之教育事項則概列下卷庶幾有條不紊

一舊志有儷事志一門他志實所罕見其將戎事列入尤為牽強今為增補事蹟作武備志分戰事兵制兩項惟改革以來雖數經兵事而民間是非未定祇得暫從闕文以俟後人續纂

一蕪為商埠海常關各項出進口稅則最與商務有關茲本實用主義特備錄之以資查考

一舊志有廟祀寺觀而無宗祠按古者自天子至於官師皆有廟大清會典於家廟之制特詳今重鬼神而忘祖考於祀義殊憾未備况我邑人民大都聚族而居親親長長安土懷生實賴此以維繫之則宗祠之關係非淺鮮矣因援徽州府志例增宗祠一門亦考氏族教本源之一助也

一名宦自應以本邑官長為限惟曾靖毅公並非地方實缺官吏而克復城池厥功最偉又無他類可以附載祇得從權列入以免罣漏又蕪自

昔為道治咸豐間如何丹畦諸公雖因兵事轉徙不常究竟例不能沒茲為一併列之

一他志各表大都既有科舉復有仕宦要知前代仕宦類皆從科舉中來以一人事跡分為兩截頗病支離若彼此互載又嫌複雜我邑舊志於選舉表中備具科目及各項進身之階即隨載所任官職不另作仕宦表最得體要此次增輯自應仍遵前軌非有所缺畧也又貢監類中亦載有不由貢監考授職官者其廩貢附貢即廩庠生授官循例出學者也此次由生員考職授官即依類附之

一舊志蔭襲僅得五人且皆見於祖若父傳表中實覺重複新增亦分載於本人傳表因將此類節刪

一學堂畢業生除初辦時得有獎券與舉貢有同等效力外餘悉自高等專門起

一劉向列女傳凡分七目而節義居其一可見女子原不僅以節見長也舊志似覺限此一途雖有他長僅散見於藝文志中方今女學大興人才之出何異男子茲做省志增賢淑一門惟是曠觀舊乘已屬絕無僅有然前此湮沒已多不能不懸格以待至新增節烈貞孝凡事蹟出眾者為之立傳餘悉列表以示區別而免泛濫

一舊志藝文志專收雜體文字而於前人撰著書籍反用闕如殊失體要茲做四庫例分為經史子集將前人所著部帙依類編載其各種記序文字凡有關事跡者即用雙行繫於本事之後以便類稽而免紛亂

一孟子謂詩讀書可以知人論世是詩詞亦古人文章志節之流傳未誦可廢也藝文志中既無別體文字未便專附詩詞茲做涇縣志例列入雜識附於卷末又舊志於各體詩頗加芟雜較之康熙志所載已覺雅馴此次仍依其法重復釐剔更覺渣滓盡去至增選數十首則慎之又

慎不敢泛收云

一志書每修一次必有序例多篇及在事諸人姓氏汰之則於事實有關存之則又嫌繁重茲本藝源五河等志例將前此關於修志事項彙為舊志源流列入志餘其文字涉及議論不關本事者並量為節之

一表之為用無非使繁者就簡散者就聚舊法大都以年為經以事為緯按事實分為數欄究竟事實之繁簡多寡不齊是以一欄之中有經數頁不著一字者不特有悖本旨抑且徒費紙幅此次所列之表祇分事實不分經緯每半頁劃為上下兩欄由上欄接至下欄依次閱看最為簡便近世新出書籍多適用之不必拘於古也

一陳公實甫謂前志徵引故實多未確然不肯徑為改易此次凡為寔所知者悉為考訂更正又舊志藝文志諸雜體文中陳公採取時自謂手筆之工拙不深論此次亦經寔將其文欠精當不關事實者量予翦削

非欲爭勝古人亦以地方掌故不敢沿訛襲謬也又辛亥改革號稱光復國體已定五族共和此等名詞早不適用然當時公文案牘稱述相沿遽加改易殊非事實閱者諒諸

一此次重修發起於民國三年原議採訪斷自前清以爾時距鼎革甚近即專以結束有清一代也不意流光如駛倏已八年事蹟既多變遷尤甚萬難悉予割棄因即賡續紀載至本年成書特為止

一志載事蹟經多數人採訪而來究非私人著述可比他志有以纂修人姓氏稱為某志者殊屬非是惟迭經增損亦須畧有識別方可以溯厥源流此次凡指嘉慶志處概稱舊志如康熙乾隆等志則皆冠有年號或稱前志昔志至於添註按語凡舊志已有者悉遵原文為此次所增入者則加冠今字新纂事蹟即不必加閱者自能按時而別之也

蕪湖縣志目錄

地理志

輿圖

位置 星野附

沿革 山

水 江河湖港洲池塘渡

市鎮

街巷

鄉鋪

風俗 習慣附

方言

建置志

城

公署

善堂

會館

牌坊

倉庾

橋梁 井附

學校志

文廟

考課

教育

武備志

戰事

兵制 營產附

賦稅志

蠲賑

田賦 馬學田附 關稅

雜稅 捐附

docsriver 文川网
入驻商家 古籍书城

在文川网搜索古籍书城 获取更多电子书

蕪湖縣志

政事志

尸口 警察 國防附 司法 交通 自治

實業志

農會 物產 圩務 商會 商業

古蹟志

名勝 宅墓 碑刻 古樹

廟祀志

廟壇 寺觀 教會附 宗祠

職官志

知事 教諭 訓導 縣丞 主簿 典史 巡檢 道尹

關監督 郡丞 參將 游擊 千總 司法廳長

警察廳長 鎮守使

名宦志

選舉志

進士 舉人 貢生 薦辟 勲爵 封贈 貢監 武科 祿吏

材勇 鄉飲 優獎 畢業 議員

人物志

忠節 孝義 宦績 卓行 文學 方技 流寓 仙釋 壽考附

列女志

賢淑 節婦 烈婦 孝女 貞女

藝文志 經史子集

雜識

祥異 遺事 詩詞 志餘